


浦江縣志



浦江縣志卷五

志建置第二

兵防

營制 汛地 民壯 教場  
險要 舖遞 電線 兵事

易曰君子以除戎器戒不虞桑土綢繆之計講之宜  
豫也浦僻處山陬背睦面括而肘腋乎杭越一旦有  
事戎馬之足或濡浦陽之波濤兵可百年不用其可  
一日不備歟今就舊志畧為增輯固疆圉防姦慝亦  
安不忘危之道也志兵防

營制

府志唐置婺州鎮將浦陽鎮將蘭谿三河戍主領於浦

浦江縣志

卷之五

兵防

一

陽折衝都尉府駐劄越州西四十里為江南道府兵  
二所之一

府志元各縣鎮守千戶所凡七一在浦江縣東南二十  
步

國朝浙江通志分防浦江縣汛左營把總一員有馬戰兵  
三名無馬戰兵二名守兵二十五名設防浦江胡公  
廟汛左營馬戰百總一名守兵一十九名設防浦江  
斤竹嶺汛右營步戰百總一名守兵一十八名

康熙初縣城建駐防衙署四間營房六間後房屋傾圮  
駐防者多借寺觀居住乾隆三十六年把總王兆英

稟請上憲建造衙署縣令姚增倡捐勸助卽於縣治

東南按察分司遺址建堂三楹左右廂房六間互見公署

門

康熙十四年二十九都胡公廟小汛分防外委一員建

造署房四間營房三間斤竹嶺小汛分防百總一員

建造營房四間後俱裁省乾隆二十八年復設胡公

汛協防外委一員今復裁省

按同治七年改立新章設千總一員由金華左營調駐浦江縣城減四存六設浦江縣汛步戰兵一名守

兵十  
三名

礮位 縣城安設劈山礮一位百子礮八位胡公汛安

浦江縣志

卷之五

兵防

二

設四號紅衣礮一位斤竹汛安設劈山礮二位

順治初年每鄉行團練法設鄉練以捍衛一鄉今鄉練

久革惟申嚴保甲以防察奸匪

汛地

浦江汛 金協調把總一員在城駐防存縣守兵三十

名

橫溪汛 在通化鄉六都乾隆八年建造營房三間煙

墩三座牌防一座望臺一座防汛兵丁五名

薛志按  
橫溪汛

與城竇山相近巖谷深邃道路四通當前代時山賊每據為巢穴一達兜率嶺與義烏縣交界一達太陽

嶺與金華縣交界一達橫木嶺與蘭谿縣交界控馭之策正不可無兵以駐此

胡公汛 在興賢鄉二十九都金協調外委一員協防

舊有營房三間乾隆二十九年添造營房四間炮房

一間煙墩三座牌坊一座防汛兵丁二十名

斤竹汛 在興賢鄉二十九都營房三間炮房一間煙

墩三座牌坊一座防汛兵丁二十名

薛志按胡公斤竹二汛與紫閣

山相近界連諸暨富陽蕭山等縣重巒峻嶺易為盜藪昔時奸民嘗招集亡命倚為窟穴四出抄掠興賢

一鄉最受荼毒今設胡公斤竹二汛使形勢聯絡擊杉相聞防守者尚加之意哉 以上俱本薛志按今

胡公汛外委一員久奉裁缺營房等均廢橫溪斤竹二汛營房等亦廢惟基址尚存

民壯 弓兵附

舊志明英宗正統中設民壯二百名尋即停免武宗正

德十年照依丁糧增編民壯共六百名每二百名為

一班分作三班逐年輪班操演歲定工食銀每名七

兩貳錢世宗嘉靖四年省編民壯仍照丁糧減去四

百名止僉二百名每名歲定工食銀六兩知縣毛鳳

韶建言民壯輪班應役除上司按臨合力操演外餘

日盡放歸農至冬時就役工食止給一季神宗萬曆

二年郡守黃焯議加八縣民壯共一千一百七十二

名并原存民壯二百八十八名共一千四百六十名

申詳院道請定各縣額數浦江縣額准一百三十名

每各歲給工食銀七兩二錢後因府城缺人防守又

於各縣民壯內量取三百八十名在府操守浦江縣額取三十名

附考舊志明太祖洪武時設立楊家埠巡檢司弓兵三十名後裁革

國朝實役民壯每縣五十名每年於實徵銀內支給工食銀二千三百八十兩一錢六分四釐康熙十五年奉裁康熙二十一年為欽奉

恩詔事案內奉文復留

現在民壯額設一十四名按年造冊報司

薛志按前明倭寇鴟張諸縣多被焚掠郡城震驚額兵不敷防守不得不增編民壯以充調撥

浦江縣志

卷之五

兵防

四

國朝自康熙甲寅三藩勦滅而後韜戈衅甲閭里太平民壯第充縣官差役之用徒耗廩食未免冗濫今裁存十四名亦因時立制也以上俱本薛志

教場

舊志宋設教場在縣東一里自元久廢莫詳其處明武宗正德八年知縣鄒輓始置教場於東山龍塔之東南地復侵於民世宗嘉靖三年知縣毛鳳韶復所侵地周圍設土墩以界之東六十六步南四十九步西五十九步北四十一步建亭三間名曰演武亭萬曆四十四年知縣黎宏道重建演武廳黎侯有記見壇壝門社稷壇下按記畧云演武場距城東閣方一里舊未有廳邑君臨較觀兵僅棲遲於松杉蓬廠之下軍氣不張乃捐

俸造廳三間外築墻垣場前兀起轅門以通出入

國朝順治五年分防參將周一鳳重建講武堂并轅門圍

墻今皆廢薛志云浦江教場自明正德八年鄒侯設立於東山龍德塔之東南後因之不改

國朝雍正五年知縣秦文超奉文築先農壇始將講武堂舊址建廟築壇每歲霜降日閱操官即於是處設座

而舊制乃變按今壇址尚存廟已久圯

閱武 舊制霜降前三日巡捕等官率馬步快及民壯

弓兵演操至期印官率僚屬至教場祭旗燾捕巡等

官督操如制行賞罰今雖巡檢裁缺不設弓兵民壯

減額其制仍舊

薛志

險要

浦江縣志

卷之五

兵防

五

界牌 在縣東五十里都地十一與諸暨連界明崇禎十

六年疊石置關於此險今廢按此通諸暨孔道並非

由諸暨宣和而進五指山可越嶺而過明初太祖遣謝再興守諸暨以抗張士誠方國珍再興叛降士誠

李文忠在嚴州聞亂急遣將胡德濟進屯五指山下李文忠議以諸暨浙東藩籬也諸暨不守則金衢處

皆不支矣親引兵馳至度地去諸暨城六十里並五指山築城以守之名曰新城敵來攻不能下乃去既

而士誠復遣兵水陸並進踰浦江圍新城胡德濟求援文忠遣陳愷為先鋒直抵浦境二十都之龍潭口

據險為營敵來攻李文忠遣朱亮祖陳愷等橫槊大呼而入敵敗去於是新城之守固婺衢處皆無恙矣

步虛嶺 在縣東南三十里都地三與義烏連界明崇禎

十一年知縣吳應台設望臺一座今年廢按康熙十

變徐龔曹朱諸冠羣相騷擾據城為寨冬十二月十八日邑令毛文桎請援兵勦撫賊遁入義烏追至戚

村橋步虛嶺  
殲滅殆盡

太陽嶺 在縣南五十里九都地與金華連界向設石關

一座今廢咸同年間賊來往金華悉  
由此嶺若作營防禦自可固守

橫木嶺 在縣西南五十里八都地與蘭谿連界明崇禎

十一年知縣吳應台設石壘一帶今廢按浦與蘭

山險要之區元季兵擾邑人蔣鏞築寨保聚境內皆  
安又有盤山在金華北山之北亦險要可守咸豐  
十一年七月初四日粵匪入寇此嶺無兵  
勇防禦遂由蘭越嶺直趨五路嶺入浦

井坑嶺 在縣西四十里三都地與建德連界明崇禎十

一年知縣吳應台設望臺一座今廢按此嶺為通

九月二十四日賊自嚴州小里埠過此嶺入浦同治  
元年閏八月初三日踞城賊與花旗賊由此嶺竄嚴

浦江縣志

卷之五

兵防

六

截柘嶺 在縣西北四十里二都地與建德連界按此

西北咽喉咸豐十一年九月賊由此嶺往破嚴州府  
同治元年閏八月花旗賊與踞城賊悉由此嶺而去  
又有夷嶺亦  
間道險要也

馬嶺 在縣西北五十里二都地與建德連界直源至

桐廬鷓鴣埠 按此嶺為通桐建要道咸豐十一年八

門出經此嶺回省九月二三日偽主將黃由嚴過  
此嶺來浦同治元年八月朱宅團勇于馬嶺寺下疊  
石門以守嶺西又有雷嶺通建德小里埠時翁何村  
有賊數千札營時來攻打馬嶺茜溪與梓州局勇日

夜防守九月初十日會同大姑及  
嵩溪團勇由此嶺往衝鷓鴣賊卡

陽塘關 在縣東北九十里二都地與諸暨西鄉連界

唐宋置關於此今廢咸豐十一年諸生戴熙堂辦  
團防守此關諸暨令許瑤光給火藥

鉛彈以資堵禦九月二十六日賊由間道入關破與子興澁死之

金沙嶺 在縣北九十里三十里與富陽連界明崇禎十

一年知縣吳應台設石關一座今廢咸豐十一年九月二十六日賊至

馬劍等處義勇奮禦之殺賊數名賊即由此嶺竄入富陽

蕩江嶺 在縣北七十里二十七里嶺上有寺與桐廬四

管杏坑連界按此嶺低小無險可守如桐邑柴埠有警宜守裡松山楊家嶺其嶺高峻路亦

崎嶇疊石為營自可固守同治元年八月廿七都周志悅等集團設局於蕩江嶺上時桐邑裡松山有賊

卡離局五里許志悅會杏坑局勇衝卡殺賊數十名奪馬二匹至九月二十四日踞桐賊賴剝皮由柴埠

進兵希圖報復杏坑與志悅局勇禦楊家嶺賊受創而退翼日早晨賊攻益急義勇槍石俱下賊乃各持

稻草一束分三路而上時勇未齊集勢遂不支潘懷德陣亡然亦不先疊石為營故也

浦江縣志

卷之五

兵防

七

舖遞

浦陽驛 **浙江通志**在縣東北二十步宋紹定二年知

縣李知退建舊稅課局即其址也今裁

縣前舖舊在縣前西偏舖司一名舖兵二名遞五路嶺舖計程

十里久裁

五路嶺舖原有郵亭久裁舖司一名舖兵二名遞洪溪舖計程

十里久裁

洪溪舖有郵亭舖司一名舖兵二名遞白棗舖計程十里

久裁

白棗舖有郵亭舖司一名舖兵二名遞沙溪舖計程十里

久裁

沙溪舖

原有郵亭久廢

舖司一名舖兵二名遞太陽嶺舖計程

十里

久裁

太陽嶺舖

原有郵亭久廢

舖司一名舖兵二名遞金華縣抱溪

舖計程十里

久裁

電綫

光緒六年通商大臣李鴻章奏行陸綫電報南北中外

消息頃刻可通縣於九年設立每地隔數十丈植杉

木一株梢懸磁瓶紫引鐵線二條自諸暨入縣境界

牌宣經白馬橋鄭義門王公橋七里亭城南沿江過

浦江縣志

卷之五

兵防

八

前吳界牌源通化橫溪石埠頭等處遞入蘭谿

有電報局

復經衢州達福建諸省相引不絕以速音報亦從來

所未有也

兵事

**宋書褚叔度傳**宋少帝景平二年褚淡之為會稽太守

富陽縣孫氏聚合門宗謀為逆亂淡之遣隊主陳願

郡議曹椽虞道納二軍過浦陽江願等戰賊遂摧鋒

而前

**鄭剛中北山集送浦江石尉序**宣和二年初春妖賊犯

浦公未去十里而邑已為灰三年秋賊氛廓清羣醜

殄滅

**宋濂**人物誌黃仁環傳宋高宗建炎元年山賊何三五作亂仁環與唐子容謀僞與賊合留其主首引眾鼓而東行十餘里至朱邨分路口轉陣殺賊子容奮兵擊賊千餘人得脫者無數輩諸酋留者仁環令諸子享於家酒酣用斧自後斫殺之

**舊志**宋高宗紹興中值睦寇亂邑侯黃汝楫出己資輸賊乃不犯界四境晏然

**宋濂集戴理墓誌銘**宋恭宗德祐丙子之變惡少年相挺而起執白梃暮夜擊傷民咸不能自保戴理用計安之

浦江縣志

卷之五

兵防

九

**宋濂集曾侯嘉政記**元順帝至正十八年春三月西睦州陷夏四月壬午江浙行中書左丞楊公以浦陽隣

睦命宣慰曾侯率杭師來鎮其地

曾侯名華武岡人

**宋濂集諸子辨記**元順帝至正戊戌春三月西師下睦州浦陽壤地與睦境接居民震驚多扶挈老倪走旁

縣

**府志**明兵取婺州胡大海先下蘭谿遂入浦陽義烏取道至郡城

**舊志**明太祖取金華李文忠下浦江與諸暨張士誠相

拒豎旗設烽燧於石臺盤山

在縣南二里

**舊志**明世宗嘉靖三十六年倭夷犯境

**明史**陳子龍傳東陽諸生許都者副使達道孫也家富任俠好施陰以兵法部勒賓客子弟思得一當子龍嘗薦諸上官不用東陽令以私憾之適義烏奸人假中貴名招兵事發都葬母山中會者萬人或告監司王雄曰都反矣雄遽遣使收捕都遂反旬日間聚眾數萬連陷東陽義烏浦江遂逼郡城既而引去巡撫董象恆坐事被逮代者未至巡按御史左光先以撫標兵命子龍爲監軍討之稍有俘獲而游擊蔣若來

浦江縣志

卷之五

兵防

十

破其犯郡之兵都乃率餘賊三千保南砦雄欲撫賊語子龍曰賊聚糧據險官軍不能仰攻非曠日不克我兵萬人止五日糧奈何子龍曰都舊識也請往察之乃單騎入營責數其罪諭令歸降待以不死遂挾都見雄復挾都走山中散遣其眾而以二百人降

**舊志**明崇禎十六年東陽許都聚眾倡亂人民逃竄賊黨義烏吳奎於十二月十三日破城坐縣十八日杭營游擊蔣若來討平之斬賊五百餘級

國朝康熙十三年甲寅因逆藩耿精忠叛東義永浦四縣城破九月閩寇徐尙朝札營積道山郡城危甚十二

月 康親王統率大兵駐婺州相機勦撫尙朝敗走  
遂復東義等四縣

按張一煒暢吟稿載康熙甲寅孟秋朔永康徐寇突城是夜捨而殺之毛邑尊叙功奏捷初九日龔寇皆來十一夜潛遁九月重九龔寇復至此三破城也皆不搶掠三日而去二十五日聯絡社兵往通化破曹寇敗回二十七日大夥入城搶掠十月朔各鄉社兵泊城殺賊不勝愈肆焚掠初四日官兵至遂奔義烏二十二日朱賊由紫閭寇二十五都仲冬二日賊破二十四日焚掠異常初四賊自二十四都進城劫掠屋無完壁十八日毛邑尊請援兵至勦撫蕩平

**府志**康熙十三年閩寇猖獗浦邑人吳尙鉉率先捍禦  
與賊戰於松村死之

薛志按逆藩耿精忠於康熙十三年三月二十四日兵度仙霞嶺直犯浙東伏莽探丸輩各授以劊僞都

浦江縣志

卷之五

兵防

十一

督朱德甫率賊焚掠縣境邑人吳尙鉉團集里中健兒於九月二十五日與賊戰於松村為賊所害知縣毛文埜赴省乞師賊覬知無備擁眾入城四鄉羣不逞之徒多附之各建旗號肆行劫掠十二月和碩康親王統兵遣將勦捕賊聞之遁入義烏官兵追至戚村橋步虛嶺盡殲滅之

咸豐十一年秋粵賊犯境城陷踞之

按是年四月十九日賊渠僞侍李世賢陷郡城抵七月初四日犯浦八月二十二日城陷僞侍令賊黨殷天義徐朗踞之

同治二年正月十六日克復縣城

時巡撫左宗棠督師克復龍游蘭谿金華諸縣郡賊皆竄入諸暨義團隨官軍復縣城副中營劉璈臬司劉典先後至浦凡從賊匪徒咸為正法地方肅靜復立善後局并設粥廠以活饑民

坊表

觀於坊表而知

朝廷激勸之意至渥也士崛起巖穴致身通顯即得勒名

貞石表著都邑間其他閭里婦子節行茂著亦得蒙

顯旌垂不朽士習民風能不爭自奮乎邑坊表雖多

頽圯而舊乘可稽國瞻喬木家續箕裘是所望於後

人云志坊表

薛志

前朝

五鳳齊飛入翰林坊 為學士宋濂尚書鄭沂左庶子

鄭濟右庶子王勳

一作王勳

侍書宋懌立

舊在文明門內今廢

浦江縣志

卷之五

坊表

一

進士坊 為雲南參政沈文立

在水埂巷口咸豐辛酉兵燹後柱石無存坊基

被佔同治五年控追邑令李斷令改建木坊

忠清良翰坊 為雲南按察副使張元諭立

在縣治前

進士坊 為廣東按察使司張應槐立

在學前

進士坊 為吉安府同知倪尚忠立

在龍池倪氏側

進賢坊 為舉人嚴怡立

見府志

登雲坊 為舉人王灝立

見府志

高桂坊 為舉人方彰立

見府志

登賢坊 為舉人趙貞立

見府志

賓興坊 為舉人嚴文啓立

見府志

昭文坊 為舉人張協立 見府志

世科坊 為舉人黃煜立 見府志

別駕坊 為通判陳玉立 在南門

助義坊 為張子鴻張子治張子淳立 久廢無考

義門坊 在感德鄉 為鄭氏立 歷宋元明 扁其門曰旌表孝義

鄭氏之門 元余闕題贈東柳貫有記 記云治古之時

則有法若制為冠昏喪祭之儀與施之親疏隆殺之  
等凡因人情立人義而繫乎一家之政令者皆是也  
然宗雖叙於一家而法實周於天下閭黨率胥成  
孝敬之風化洽教孚壹是仁讓之俗於斯時也義且  
混於無形而名烏乎生蓋至於道隱民散代衰禮普  
而宗統服紀邈焉無屬借鋤取帚勃溪閱牆或不待  
閱世而繼見之矣則夫操長民之柄者將以致其潛  
轉密移之功亦安得不為之率德厲行使之知所勸

浦江縣志

卷之五

坊表

二

而強於為善善者既彰惡者斯瘳於是又取其出於  
天性而和諸物則人人可制而行之者命之曰義字  
其民曰義民表其門曰義門扶衰救敝名存與存君  
子蓋有所甚不得已也記曰大道之行與三代之英  
某末之逮也而有志焉大同之世吾不得而見之得  
見小康者斯可矣然則舉斯世之大而義之間見者僅  
僅若是是嘉也亦重可嘆也吾里鄭氏之以義門  
被旌表且三十年於茲視其家庭而其悖孝廣弟之  
遠祖滋講信睦之日謹植本固而浚源遠矣蓋自其  
家浸盛名其地三鄭示有先也沿淮而下五世日德  
池德珪德璋率之勤儉以啟大其基六世曰文嗣大  
和文泰文厚文轟重之積善以恢宏厥緒併其翼子  
貽孫間及八世不裂籍以為異不殖己以私尊尊  
而親親老而幼幼凡聚廬以處同釜甑以食者支  
屬口餘百僮手指千薰然義風不戒而趨為之冠昏  
以重其事始為之喪祭以厚其終月薦以著存時饗以  
尊耆男事詩書女事蠶績昭穆有貴賤有差出相  
助也人相保也服勞於世可也初里耆維列其禮法於  
雖等之十世以至於百世可也初里耆維列其禮法於縣

縣令長上之大府具移廉訪使者覆按如章下大書  
於中書下之儀曹請用故事賜旌表亦既報文厚  
其門不旌壽而大義鄭氏之踰門矣今文益經紀  
轟事潤飾其通門凡欲納國之於禮八之義而後  
會朝廷方修通制頒行郡國若曰諸範以孝義旌  
與免雜役令復賜蠲復命既下大和感思奮拜咸  
謂宜如制熙朝之所惠以綏於我屢里之細子孫  
稽首言曰高曾祖考之惠以綏於我屢里之細子孫  
謂至矣吾厚矣大和耄且及帝力終殫餘盛世之  
力耕以奉公上而暇則詠歌誓殫餘盛世之諸子  
而已顧惟伯父當老下孤幼之際早捐館舍先  
抗身艱阨上尊兄文嗣塗腹惻痠益翦以紹開先  
業至於修其疆畎以畢茲塗腹惻痠益翦以紹開先  
銖積寸修其疆畎以畢茲塗腹惻痠益翦以紹開先  
今進承旌履甚幸甚休使不謀文顯刻金石則何  
免牛羊踐履甚幸甚休使不謀文顯刻金石則何  
迓續芳猷傳之來裔乃其也自貫復之曰義不  
乎人心而還以制乎人心者其也自貫復之曰義不

浦江縣志

卷之五

坊表

三

能無欲而世遂以爲欲勝則害義立則利無以固  
彼蓋知夫孟氏義利之反矣而不義記禮者之言  
嘗深致意於惟其本義以制情是以因義而成必  
禮何以致之惟其本義以制情是以因義而成必  
利爲利者未也而以義爲利知其微權也然則治  
以禮其諸總攝人心而義持世之微權也然則治  
有所甚不己焉一而非其盛之謂也旌門復起之  
令典而顧以昇諸一介草莽之臣其鼓舞興起之  
夫豈私足以知哉機動人請以是刻之庭曲之表  
而貫何足以及里人後也宋方鳳題鄭氏  
義門詩人愛渭水清畢竟河渾不知唐虞世何處  
覓旌門旌門縱百世豈能外彞倫只因風氣薄遂  
爲義民麟溪有寒泉西流類拖紳泉聲偏塞耳亂  
牝雞晨夜帳潑烟黑秋禊何崔紅六世孝友家元  
書聲中爛銀鋪榜綽何崔紅六世孝友家元  
阿奴來人心一遭氣五官皆作魔不廣斯利人千  
燃莫歌兄弟本氣爲利分爾汝借問嗜烏啼血  
得不得我身乃親有况此身外感物世非果何思  
收不我身乃親有况此身外感物世非果何思

每相賊當年朱兩旛回首血在頤爭如義門鬼千載  
不餒而何人非楊椿如椿能幾人願只緣本心死所以  
有淄磷大樹元余闕美義門詩省風浦江游憑軾歷高  
千歲根元門借問居幾何九世今不分解驂青松林愛此季與  
昆檢身事先訓禮度尤恭温生祥亦何用有後天所  
敦常棣閔叔咸厲階悲婦言一朝或罔念喪敗甯具  
論清源無濁流芳蘭有競芬摘毫誦勿替勉哉賢子  
孫元陳樵詩二老連枝樹諸郎百子蓮同心無爾  
汝合族到曾元元洽文明日澶還太古年名門人共  
羨家範世應傳元汪文璟詩高門崇重十行書古  
屋周遭百忍圖九世一家真罕有五公七相定何如  
教行官署嚴無異食散僧房靜不殊  
更喜芊綿書帶草故家通德慶方餘

純孝坊 為孝子石東華立在內鄉政

百歲坊 施孟鎬為其父百歲翁仕玘立在薛志通化鄉

施朝棟立  
今改正

浦江縣志 卷之五 坊表 四

節孝坊 為張應華薛志作妻鄭氏立在張祠前

節孝坊 為妻樓氏立在縣東北今廢

貞孝坊 為周思諒妻吳氏立在縣西街治

國朝

父子同登澤流益雍坊 為舉人朱鶴鳴進士隴州知

州朱興燕立在縣治前大街

孝子坊 為孝子方應秩立在通化鄉今廢

旌孝坊 為孝子吳守攜立

旌孝坊 為孝子陳之璉立

旌孝坊 為孝子石文楫立在政內上鄉

旌孝坊 爲孝子張啓旭立

純孝坊 爲孝子黃應律立

孝子坊 爲孝子黃昌期立 以上在靈泉鄉

純孝坊 爲孝子鄭爾壽立 在感德鄉

孝節聯芳坊 爲孝子張德冠節婦鄭氏立 在小東門

旌節坊 爲周能約妻王氏立 在縣西

旌節坊 爲張咸濟妻黃氏立 在大門北

旌節坊 爲吳一貢妻金氏立

旌節坊 爲金國璉妻樓氏立

旌節坊 爲盛尙稠妻張氏立

浦江縣志

卷之五 坊表

五

節婦坊 爲盛尙涓妻張氏立 以上在德政鄉

雙節坊 爲潘志珙妻張氏立 在嘉興鄉

旌節坊 爲黃應上妻傅氏立 在靈泉鄉

旌節坊 爲吳明燧妻陳氏立

旌節坊 爲鄭爾銘妻倪氏立 以上在感德鄉

旌節坊 爲方清泰妻金氏立

旌節坊 爲倪尹徵妻陶氏立 以上在通化鄉

旌節坊 爲朱之煜妻張氏立

旌節坊 爲虞啓謨妻張氏立

旌節坊 爲毛可瓊妻樓氏立

旌節坊 爲石邦甯妻虞氏立

節孝坊 爲石興星妻潘氏立 以上在政內鄉

旌節坊 爲張以忠妻陳氏立 在興賢鄉

以上本前志下係新采

進士監察御史坊 爲江南道監察御史朱能作立 在縣

治前大街

進士坊 爲武進士吳大榮立 在二都前吳

樂善好施坊 爲柳益謙妻張氏立 在七都橫溪

節孝坊 爲樓紹陞妻傅氏立

節孝坊 爲樓紹隨妻陳氏立 以上在大溪樓

浦江縣志

卷之五

坊表

六

旌節坊 爲戴聖欽妻張氏立

旌節坊 爲戴燮元妻馬氏立 以上在北鄉馬劍

旌節坊 爲陳光照妻張氏立 在城

節孝坊 爲朱宗儒妻周氏立 在城

節孝坊 爲張德蔡妻傅氏立

旌節坊 爲張可沛妻黃氏立 在張裡

三節坊 爲張可勳妻戴氏可羔妻芮氏可杰妻鄭氏

同立

旌節坊 爲張可熊妻陳氏立 在七都馬墅

旌節坊 爲周元昂妻鍾氏立

節孝坊 爲黃幾挺妻朱氏立 都在十地八

旌節坊 爲樓廣德妻陳氏立 在城東街

旌節坊 爲張子瀟妻樓氏立

雙節坊 爲樓永信妻于費氏立 在城東街

旌節坊 爲陳鈞妻盛氏立 在城後街

旌節坊 爲施惠愛妻祝氏立 在通化鄉六都

旌節坊 爲施亦旺妻陳氏立 同前

節孝坊 爲貢生吳嘉禾妻全氏立

節孝坊 爲王志棣妻黃氏立 在十都前店九

節孝坊 爲庠生王舟妻張氏立 同前

浦江縣志

卷之五

坊表

七

節孝坊 爲鄭廷憲妻黃氏立

節孝坊 爲潘善足妻陳氏立

節孝坊 爲陳學聚妻鍾氏立

節孝坊 爲鄭思學妻張氏立

節孝坊 爲張邦綮妻陳氏立 在一天一都塘

節孝坊 爲鄭遵堅妻吳氏立

雙節坊 爲石延暉妻張氏媳陳氏立 在城西街

太平坊 爲沈科八立 在興賢鄉

學宮坊 附

騰蛟坊 宮在左學

起鳳坊 宮在右學

薛志云按舊志明世宗嘉靖三十年知縣韓叔陽始建騰蛟起鳳二坊於學宮前之東西神宗萬曆十四年知

縣張而修

國朝乾隆十九年知縣王果移建櫺星門并騰蛟起鳳二坊同治初重修光緒十八年起鳳坊被風吹圯重建

街市坊 附

陽澤坊 治在左縣

香巖坊 治在左縣

月泉坊 治在右縣

惠政坊 治在右縣

賓德坊 志在縣東後街舊

升後坊 在縣西治

朝京坊 志在東橋西府

崇儒坊 志在縣治南府

浦江縣志

卷之五

坊表

八

熙和坊 治在南縣

臨浦坊 治在西縣

孝睦坊 治在北縣

和豐坊 在石橋頭右無考

四牌坊 在縣治南大街府志明孝宗宏治十三年知縣

忠文南曰登雲西曰孝義北曰遺愛今廢

宅墓

古人不可作矣而於其生居卒葬之地每使人低徊不能去是故書曰表厥宅里又曰封比干墓聖帝明王所以彰善闡幽者典至渥也矧在桑梓之邦時世雖殊山川如故而忍令其湮沒也耶志宅墓

隋黃將軍苾宅 在縣治內按康熙縣志云浦陽自唐天

寶十三年陞鎮為縣苾之裔孫縈捨故址於官今縣

治是也

按黃縈生於唐大中三年己巳去天寶年間遠甚所云捨宅墓為縣治者乃苾八世孫汝

智也舊志有誤

宋鍾孝子宅故宅 在興賢鄉二十八都東山下

俗名東山下

浦江縣志

卷之五

宅墓

一

于員外郎房宅 在靈泉鄉左溪山下

梅節愍故宅 在縣南三十里舊志梅溪源出黃茅山

經梅執禮尚書宅前西流入蘭谿是溪以姓得名也

今溪口小橋側有上馬亭相傳為梅公上馬處

明邑人張

孟兼過梅節愍故宅詩

梅溪尚可作吾此溯微湍力

罷千金括謀迴萬勝鑾孤忠殉社稷亂石葬衣冠依

約曾棲處楓

邱血尚丹

倪處士朴宅 在縣西五里保安山下石陵畝

鄭孝子綺宅 在感德鄉白麟溪

方文學鳳宅 在德政鄉浙江通志謝翱遊仙華巖麓

記云巖之麓曰鄭村友人方君韶卿廬焉金華文畧

浦江仙華山殊爲秀絕方鳳詩云仙華矗萬仞我乃

廬其東

國朝金華曹開泰過方韶卿先生故里詩  
黍離麥秀悲歌客剩水殘山子立身孤竹由  
來商義士柴桑不愧晉遺民風騷沿派今誰主生死  
窮交憶此人故里蕭蕭容躑躅仙華山下踏香塵

黃處士景昌宅 在靈泉鄉古城寺東後宅

元柳待制貫宅 在通化鄉烏蜀山下

吳淵穎萊宅 在德政鄉吳溪浙江通志吳溪去縣西

十里吳萊之居在焉

戴提舉良宅 在興賢鄉九靈山下浙江通志浦江縣

北九靈山戴良居此故號九靈山人

明宋太史濂宅 在感德鄉青蘿山下太史有青蘿山遷  
居志互見古蹟門

浦江縣志

卷之五

宅墓

二

張太常孟兼宅 在縣南十里宋溪平安張

張副使元諭宅 在城北隅槐花樹裏

漢交州刺史楊扶墓 在縣西北二十五里

撫州刺史蔣邵墓 在縣西四十里朱村蔣家頂

鄂州刺史傅柔墓 在縣東二十五里鶴塘之西

國朝邑人

陳果訪傅刺史墓詩滿地土花碧  
殘碑臥夕陽幾聲秋雁語霜影落寒塘

車騎大將軍張敦墓 在縣東四十里今失其處舊  
志作諸暨令

隋金陵黃將軍苾墓 在縣後小北門裏西首

唐孝子陳太竭及父武鼎墓 在通化鄉松柏橋縣南二

十五里

黃某墓

唐十道圖縣有此墓莫詳其處亦遺其名

處士何千齡墓 在縣東三十里

宋宗室趙不玷墓

在縣東五里土名羅帶

周主元儼之曾孫從高宗

南渡初居睦州後遷於浦

屯田員外郎于房墓 在縣東二十五里左溪山側

工部尚書錢適墓 在縣南五十里通化鄉鳳凰源

戶部尚書梅執禮墓 在縣南三十里通化鄉土名金

剛肚

或云骸骨不歸只葬衣冠之所

贈光祿大夫方逢原及子大中大夫揚遠墓 在縣北

八里仙華山下

浦江縣志

卷之五

宅墓

三

布衣倪朴墓 在縣西五里石陵村東

興國朝邑人朱

先生墓詩草莽書生依宋土北望中原思藝祖宮車淚灑牟駝崗雪恥不忘縛金虜袖中擬上中興書滿壁張圖森部伍布衣老不掛朝纓慷慨大聲咤廣武天涯淪落莽蕭蕭誰知其者陳同甫石陵原上高士墳佇立蒼茫為懷古風流消歇七百年萬樹秋聲啼杜宇 邑人朱寓過倪石陵墓詩奇謀不用竟長眠俠骨深深闕九泉肉食君臣甘割地布衣男子枉呼天圖經四壁埋荒草麥飯千秋享野田莫憾平生知

殿前捲簾使黃景珪墓 在縣北四里

其父昉自江西遷葬縣西十五

里上洛元學士潘其九世孫也

工部侍郎傅雱墓 在諸暨縣錢塘北山之原地名滴

水坑

舊志載與弟光合厝縣東胡坂誤

冲素處士鄭綺墓 在縣東二十五里懸柏原 龍德游丞

墓在縣東二十五里裏朱塢揚田青田縣尉鄭德璋

斯人不可作墓木猶原丸晨霞濕幽蘇淚痕如未瞻

黃泉千載下晨昏問暄寒慈幃在咫尺撫墳空嗟嘆

閭昔義門孝能菽水盡道可布衣尊壠樹經

尚書右丞毛洪墓 在縣北三里茅菴塘左

浦陽提鎮張祚墓 因官徙浦葬縣東五里李家山

說書樓斌墓 在縣南五里聖昌寺側

右司朱原龍墓 在縣東二十五里普安院側

文學方鳳墓 在縣北八里化城院側 元邑人柳貫

浦江縣志 卷之五 宅墓 四

為仙華先生寓祠植碣於其墓北化城僧舍里之交  
友咸來會祭歸而成詩用識斯事先生隱仙華卒葬  
仙華麓其十霜露墓草今幾宿永為不朽事誅行  
當有屬業鉅自宜久才微豈堪服重予師友義黽勉  
承記錄鋪菜雖勿工序述皆可覆平生有道碑此筆  
知不辱但嗟無繾藉吉荐嘉玉成碑懸窆後合置  
庭之曲奈何荒阡中風日所飄暴乍為牛厲角敲火  
防童牧十夫昇致之寄幕託僧屋并為近墓祠爨泉  
荐秋菊交朋響然臻杖履或不速意氣有歆動夫豈  
為肴菽茲山望其廬數里入陰離離紫翠間厯厯  
盤游躅定應挾飛仙時來蔭雲木微吟應吹鶴高舉  
還騎鵠誰家松柏墳行鹿不敢觸運往無須與夷塿  
己為陸春花照黃壚免彼塗芻茜先生死布衣桐棺  
僅能束葆茲泉阿藏免芻芻斯文在天地千載有  
如轉燭顧其數千篇一過來魚目簡蒐付方來尚燧  
慚不穀藏之於名山化城尚誌復國朝邑人張燧  
謁方韶卿先生墓詩化城尚誌復國朝邑人張燧  
此身海外乞師空畫策舟中對西風沉淪家仍漢臘  
滄桑改劍許嚴臺氣新愁對西風碑碣盡寒烟處臘

處雜  
荆榛

田居子黃景昌墓 在縣東南三十里華塘山原邑元

吳萊溪行望黃明遠華塘新墓詩往代衣冠日已餘  
故山棺槨此為家經筵義關中州魯樂調辭譏下里  
巴涕淚無從餘宿草文章可惜等風花  
嗟茲便欲酌雞黍目駐前溪有落霞

元待制柳貫墓 在縣南三十里通化鄉荆山

內翰陳公舉墓 在縣西八里磊石之原

永新州知州趙大訥墓 周恭肅王元儼十世孫墓在縣東五里之龜山 邑人戴良謁

趙朝列墓詩含辛度連岡掩泣赴孤阡而我為誰悲  
懷人在九泉西北兵旣動東南旋遘患一朝烈燄起  
鄰壤頓燒燔長風當夏急亦知將燎原不謂事之及  
乃在奄忽間天道幽且遠禍福茫昧然方晨家盡燬  
夕暮身復捐平生欽若人銳氣蓋當年鋤頑務刑肅  
決壅思化宣矧茲大節在可使非義干日月易為久

浦江縣志 卷之五 宅墓 五

墓草已芊芊園林滅游跡祠宇有  
餘閒既乘往化盡何用空名傳

大學士吳直方墓 在縣西十里吳山徐塢

處士吳萊墓 在縣西十里盃塢 邑人張德慶過吳淵穎先生墓詩落日

淒其斷水痕徒將孤憤破黃昏悲風獨下羊曇淚衰  
草空迷望帝魂天上已知容處士人間誰復問王孫  
石碑古篆看明滅  
石望遺文酒一尊

處士王澄墓 在縣東二十五里大樣原 為深溪王氏同居祖宋太

史有墓誌銘

提舉戴良墓 在縣南十里嘉興鄉西山

明浦江翼右副元帥蔣鏞墓 在縣西四十里長富源石

洩

千戶侯陳愷墓 在縣東十五里上山頭

浦江翼左元帥吳志德墓 在縣西十五里東塘珠山

禮部尚書鄭沂墓 在縣東三十里松溪山

左庶子鄭濟墓 在縣南三十里馬塘塢

右庶子王勲墓 在縣東廿八里茅草山下

太醫院使戴思恭墓 在縣北八十五里興賢鄉獨秀

山

孝義張永遷及孫鄉賢孟暄墓 遷墓在縣北五里黃

塚山 暄墓在縣東四十里黃墅山

忠義永福縣令周煥墓 在縣西五里下黃

浦江縣志

卷之五

宅墓

六

雲南副使張元諭墓 在縣南十里五路嶺伏虎殿前

潘府教授蔣大祿墓 在縣北四都西庵上天生頂

處士張元珂同父孟鶚墓 在縣西北十五里茅蘆山

下益大塢

義士朱君正墓 在縣北二十里二十五都大徐畝

國朝上書房翰林戴殿泗墓 在縣北二十九都石門天

師堂屋後山

山西按察使戴聰墓 在諸暨二都萬家塢墩子山

附

明宋學士夫人賈氏墓

學士人早卒徙蜀葬夔府西蓮華山下

下按康熙志云近旁有田相傳為宋公次子璲藏地

署縣熊人霖捐俸贖歸封土立碑國朝邑人朱興

梯遊青蘿山訪宋仲珩先生墓詩潛溪碑版仲珩筆

是父是子稱雙絕李斯篆刻北海書磁石引針真入

室墨妙流傳玉兔泉蠅頭細字蟠桃核明初鼎力有

三雄克也廣也其超拔詩歌况復掣長鯨硬語盤空

如屈鐵坡老後人小斜川歐公嗣子張蔡匹潛溪著

述媿歐蘇仲珩繼之飛鵲翩翩才藻中書君鴛序

追陪朝天闕朔風悲號黑浪翻捕黨紛紛濺碧血三

十餘齡命須臾青蘿山下埋英骨我讀哀辭希直銘

我誅蘿山訪幽穴不見荒原羸碑秋草轉蓬風瑟

瑟鳴呼仲珩人中英天付以才命何闕長與潛溪照

古今歷劫飛灰名不沒

後梁錢魏王墓 在縣西十五里 按舊志云王乃武肅

浦江縣志 卷之五 宅墓 七

元達魯花赤廉侯阿年八哈墓 北庭人卒於官葬在縣之

山 按戴良甘棠集序三年政成將歸遮留者競作

詩歌詠之則卒葬不在浦邑矣今姑仍舊志存之

邑侯謝泚墓 永樂七年知縣建甯人卒於

官葬縣東南十五里花山

古蹟

城高鐵甕地雄廣武劔閣之銘尚在銅鞮之水依然  
 此懷古者所為百感遙集也然而入尚書之塢慕其  
 清高過安樂之窩想其自得援古蹟以厲今人則已  
 有聞風而起者何必虛稱遼闊哉志古蹟薛志  
 豐安廢縣方輿紀要浦江縣西南有豐安廢縣沈約宋書  
 所載是也考宋書豐安自孫氏始立屬東陽郡第七縣  
 隋平陳始廢是唐未置浦陽以前為豐安縣縣立凡三  
 百九十四年今基址無考當在縣之西南鄉浙江通志  
 以其縣興廢入浦江建置中

浦江縣志

卷之五

古蹟

一

一境森羅亭在縣北二十五里惠香教寺之北山徑紆迴  
 林木葱鬱折而東曰分月亭亭在兩池間故名又折而  
 西曰狎鷗亭亭高而聳下臨方池爽氣浮動亦勝境也

廢今

洗鉢池在縣東二十五里雙溪院西南隅唐時元朗大師

建庵於此

宋邑人于嵩洗鉢池記神迹伽藍山水佳勝

洗鉢唐天寶十二載因大士元朗者庵於山修心得旨  
 攝伏鳥獸使無畏懼每飯已則猿來捧鉢盃于其中今  
 可驗者李公華之碑嘗言之矣及予營構是院所謂池  
 者湮塞已久顧語其眾曰前人之跡不可廢也乃令斬  
 茅茨出泥滓疏鑿舊基導引澄流廣不盈丈深盈尺  
 夏之日吾愛其清冷若白石若輕冰飲之使人凜如也  
 冬之日吾愛其潔澈若醴泉若溫井飲之使人燠如也  
 時潦無滿時涸無竭浮雲晝覆疑屏蔽之狀皎月夕照

混澄明之光矧夫毳侶論心逸人訪道狎玩者可以滋  
其神智鑑矚者功訖盍書之乎一日  
謂水之勝化元年十一月十一日  
記於石

齊雲閣在雙溪院中俯瞰四山極其幽曠宋邑人于房詩

閣倚天外山川混一色雲霞忽萬態啼鳥聲交呼牧豎  
歌相對憑闌增氣味披襟絕埃壘飛泉出陰窅清氣來  
向背文酒歡賓朋樂哉時褫帶宋關詠詩白雲來軒  
戶清風生澗壑山僧不管春巖花自開落明會稽楊  
瑾詩我亦似孤雲更坐齊雲閣出處本無心同在天一  
角齊雲閣昔凌雲出類垣無復題雲跡白雲悠悠常在  
山無心又遇尋雲客趨林鳥影度斜暉蒼然暮色生巖  
扉樵夫荷擔穿雲出今廢  
余亦扶雲踏月歸

龍峯塔在縣東門外里許宋仁宗天聖三年僧咸若募兵

部侍郎朝則捐錢百萬建元鐸自閒修塔記浦陽邑東

浦江縣志

卷之五

古蹟

二

是為觀音僧伽二大士靈感道場宋天聖乙丑永康胡  
則捐錢百萬陳公養施輒千竈建塔山巔七層六面周  
遭欄楯金碧丹堊類寶合簷鐸之聲聞於數里春暄  
燈光彩參錯星宿天風時至簷鐸之聲聞於數里春暄  
秋霽遠近士庶登覽無虛日空罪撲面露氣逼人左右  
顧盼嚴越山川雲氣遙接仙華巖與雷公山相為主賓  
花封蝥堙數千百家出浮屠影中不壞信士朱龍等  
宣和歲辛丑鄰寇煽殃屹立烈燄中壞信士朱龍等  
修之寶祐甲寅寺僧及霽勢微側豈天龍以舊觀未  
長忽一夕大雨震電及霽勢微側豈天龍以舊觀未  
還有所警而然耶住持文啟歎日三災已定四相摩  
我輩豈容少懈與其徒妙思靜傾衣械募檀信竭乃  
心力固本而正其未張忠厚等施白金飾輪之表至於  
大雄紺殿圓通寶閣堂室門廡階石道粲然一新岳  
陽教授公舉書榜邑寓凌蘭吳幼敏樓榮孫與七鄉  
善士捐貲交助越六載乃成眾皆歡讚歎謂前莫及  
昔越州龍興沙門曇彥與許詢元度同造二塔彥有  
神異天降相輪能駐日信工塔未就詢亡彥二年百十  
餘猶待得岳陽王承誌公密記入撫寺尋訪彥門曰許元  
度來也時岳陽王承誌公密記入撫寺尋訪彥門曰許元

度來何暮昔日浮屠今如故塔之日弟子是姓蕭名益增崇以  
許呼彥以三昧如彼悟前造塔之知事人願力不可磨滅  
麗今龍會再興名實頗類是固不前可以須之重九  
者皆一會已春三月辛酉然哉明邑令華蛇而南修  
年龍塔記邑東里許為龍峯山筆脉仙華蛇而南修  
龍德塔踞遞山而窮面襟大溪故受嚴陵諸山水越  
起伏東注折而北入錢塘此山之概也舊故有龍德寺  
百廢久寒烟衰草不可復識獨浮屠尚國朝正統間煨創  
寺廢聖乙丑歷宣和復祐至元葺屬烏有歲就弗葺風雨  
自天聖乙丑歷宣和復祐至元葺屬烏有歲就弗葺風雨  
燼烈落欄鼠楹之噬樵丹堊搏擊畫基日就圯觀察  
之剝落鳥鼠之噬樵丹堊搏擊畫基日就圯觀察  
林公按部為之憮然捐十金為募勸人董之其事於  
時令張公佐以贖緩邑勤於事者六人董之其事於  
輸者僅二級餘如故夫力散則計緩入則腹輕時數  
年則費滋歲歉則財罄誠無怪其然辛丑余以命上命改  
久則費滋歲歉則財罄誠無怪其然辛丑余以命上命改  
洩茲土入境不無黍離之感時賦旁午未遑議期月  
事稍集呼前不任者語曰役不卒其業成之棄也委不卒命  
忠之薄也輸不見德議之役不卒其業成之棄也委不卒命

浦江縣志 卷之五 古蹟 三

庾未必盈募則前負而後未必應急惟力是視贏者全授  
其利圖之入各唯余遞為差等亦倍之則余之續  
誦者半授其下掄材於市因力於傭隙者藉其載圍繞  
之闌層石而臺以鞏其基上席木而障以蔽日試登其  
巔山靈氣隱隱隆浮沉變現遙為鈞天奏又從邑居  
不啻蟻垤數百家烟火出入浮屠影中鈞天奏又從邑居  
中下也亦邑之奇觀哉余聞之游氣窮故聚溢故洩聚  
陽向背山川所為吞吐氣載之游氣窮故聚溢故洩聚  
不表識彰洩不鎮壓不固標山華已來之秀障嚴  
陵已洩之藏者胥塔是籍是邑固山川所吐而塔  
又是邑所吞也藉之弗修無藉同數年來飢饉頻  
仍人愁苦雖人事固未必非風氣之故是役寧曰  
備登臨作無益哉工始於亥孟秋告成於壬寅仲冬  
所糜金錢以五百計先後與事者例得備書云林公諱  
一材同人辛未進士張公諱而綱晉江  
人鄉貢士時萬歷歲次癸卯孟秋之吉也

放生池 舊志在縣東一里龍德寺東宋咸淳元年知縣

王霖龍置并建亭於池上後填塞爲田

宣詔亭

頌春亭

並在縣前

分秀亭

相宜亭

望仙閣

並在縣後

清心亭

清華堂

恕齋堂

思無邪堂

並在縣內

舊志俱宋

高宗紹興十六年知縣蔣樞建今俱廢

翠微樓

在縣西二十里宋吳謙建

邑人鄭楷有記見吳

翠微樓九日落成詩岑樓九日落初成嵐氣烟光繞人

屏晉後白衣今代至吳中黃菊夜來醒月侵竹戶窺人

語江過山城入水經涼夢不知巾帨動幽棲可要在巖

坳期與俗相追何日了登高一嘯洗秋悲望窮落鴻

飛外歸戀清樽月到時野服從茲近蘿薛西風塵土莫

輕吹又翠微樓對竹會飲詩縹渺飛樓修竹裏珠簾

半捲清風起月明十二畫欄空美人遙隔湘江水夜深

吹徹玉參差引到丹山綵鳳儀還倚仙翁九節杖翠雲

深處望安期楚調歌殘仍擊節簷外紛紛落蒼雪樓頭

浦江縣志

卷之五

古蹟

四

醉卧笑元龍一片歲寒心似鐵今廢

存雅堂

在縣北十里仙華山麓後鄭村宋文學方鳳居

此鳳因宋亡隱居不仕自號巖南老人日與栝蒼吳思

齊閩人謝翱賦詩贈答音調悲涼以寄黍離麥秀之慨

云

義烏黃潛寄詩云牢落江南賦知音寄渺茫鹿麋行

今淚滴破綠蘿裳柳貫詩并序云昔仙華方先生

晚最嗜吟吾鄉詩道嘗一昌矣自公下地寂寥無聞余

每深慨於斯閑居多暇方哀公手澤爲卷得公山中竹

醉日感舊寄贈之作輒追次其韻詩云猗嗟巖南叟久

化冥漠君巫陽不招宿草荒墳重此窺制作一在旖旎

揚餘芬誰昔開雅頌世方疎典墳重此窺制作一在旖旎

興羣道散五載於今嘆彌公巨窮積石源但涉九河

潰不知黍離降遂及東門粉公誠後死者幽明已中分

絃歌三百首烈火豈易焚向余臣未至於茲愴前聞嘉

穀雖屢歉旱苗猶足耘嗚呼召公臣未至於茲愴前聞嘉

扶雅道廓然蕩埃氛公詩載揚熙與世析朝醺吳萊  
夢巖南老人詩云文章餘耿光蒼茫杳難據青山真隱  
人夜夢如識路恍惚疑尚存世空旦暮何哉白玉埋肯  
縞髮老韋素修名可千年俠世旦暮何哉白玉埋肯  
有黃金鑄從知蕭散姿已是神仙具閭闔摩日月蓬萊  
拂雲霧元鶴來頡頏赤虬下馳鷺車輿清冷風糧食沆  
濯露憐予此流落愛我終游豫云胡縈苦心曷不縱遐  
步巖香返梅魂嶺物輸桂蠹鏗其弄琴書儼若陪杖履  
淒涼枳棘叢寂歷芭蕉樹  
我淚無處傾荒江自東注

梅塢 在縣北仙華山麓宋進士趙崇袍於此植梅數里

故名明進士張應槐仍舊址結廬日三陽小隱今皆廢

譙樓漏刻 在縣泐大門譙樓上元武宗至大二年達魯

花赤忽都魯沙敦武重造元邑人陳公凱漏刻銘并序

器敞知縣事何宗姚續置其法最詳人皆準而信之後  
爲當路者取去莫知所留矣至大己酉達魯花赤忽都

浦江縣志 卷之五 古蹟 五

魯沙敦武慨思缺典遂依式重造且處其所以守之者  
非勤政而知所先務歟前婺州路月泉書院山長陳公  
凱爲之銘曰撫字之官大要以剗繁治劇興滯補敝爲  
最厥有懈廢匪政之成其政維何必也寬猛克濟弗棘  
勿遲然後愛民之仁推而爲創物之智而咸服其精故  
三尺之箭五斗之餅不贏不虧以正以平晝夜晷刻申  
縮合度可以測陰陽寒暑四時之運行凡任於茲者盍  
思古人挈壺氏之有職前賢蓮花漏之有銘後之視今  
今之視昔亦庶幾 今廢  
更點之分明矣

光風霽月樓 元翰林供奉文字陳公舉所居方鳳題光

風霽月樓詩序云光風霽月四字晦翁書刻石建州陳

正臣提舉浙江爲翰林收書至建得此本歸遂以名其

樓 按正臣旣顏其樓西秦張楨淮陰湯炳龍莆田劉

澩永嘉林景熙輩相率爲詩歌以賦其事永康胡穆仲

爲之序

宋邑人方鳳詩人間底處無風月知用何時來

雅重無極翁灑落襟懷與此同去之百世猶彷彿宛見  
道貌匡廬中誰題品語黃太史大書四字紫陽子今從  
建水得此本如拾蟻珠捲文綺攜歸八詠雙溪州晏今  
然直與造化游無邊妙處乃萃此躋矣君家百尺樓今  
廢

松林書院 在縣西十里松林山下元至正閒集賢學士

吳直方建久圯遺址尚在

松山小隱 在縣西五十里由裏溪入緣澗而升眾山環

之中開一境處士吳萊廬焉署曰松山小隱府志所云

歸松山中研窮諸經卽其處也

國朝邑人朱興梯松山尋吳淵穎先生故宅

詩深裏留餘址行行上翠微一溪諸澗合三徑萬峯圍  
石瘦松根老春深蕨菜肥著書人不見極目有斜暉

浦江縣志

卷之五

古蹟

六

聽雪齋 在縣北九十里元戴士垚讀書處柳待制貫書

聽雪二字以顏之會稽楊維禎爲之記

記云金華戴仲積君過吳見余

次舍明旦復持卷來日垚所居齋室鄉先生柳道傳氏  
嘗書聽雪以顏之未得記而先生卒且令垚有請於吾  
子幸吾子賜之言余重違先生契濶喜而嘉仲積之  
切切於雪也爲之言曰雪一也聽有不焉僵而聽臥  
戶之士羈而聽被鐵之夫業而聽又甕牖之儒蓬廬之  
漁耳仲積宅盛志廣而才甚長見時顯貴人咸喜而與  
之遊出鄉遊通都且將北上海國有風雲之會而於雪  
也奚能效前所陳者聽耶抑聽雪以聲固不若聽雪以  
理者之聽爲深也今夫雪也者出元而聲固不若聽雪  
密而散彌六合似道將集而霰先焉似陰而合晁於  
而消似時匿瑕藏疾似量無論穹卑險夷一稱物不以  
狀也則其取數於聽者不既多矣乎不然吾懼仲積之  
雪以聽者卧戶之飢士被鐵之戍夫甕牖之窮儒蓬廬  
之寒漁耳何取於柳先生之哉仲積起洩之日  
垚固知聽雪以聲固不若聽雪以吾子之教也積五洩之日

麓敞廬在焉逝將歸矣請書為記  
詩萬籟入沈冥坐深窗戶明微於疎竹上時作碎瓊聲  
撲紙春蠶亂爬沙夜蟹行  
袁安政無寐歛枕漏三更

### 迎華樓 元處士朱仙所居東陽陳樵賦序云浦陽朱仲

山名其樓曰迎華以思親也其先人好神仙云今未詳

其處 元陳樵賦 晉在黃帝世有元德敷佑下民芳猷允

鸞儀方標鳳翥青靈既曠跡誕受瑤圖冥期罔慝比質  
清簫於雲路媿仙華之明秀兮夫亦靈修之所寓也伊  
仙華之雄峙實作鎮於海隅蟠元氣之瀉淋泛浩翠之  
鬱紆候神之館既相望於東南兮又通於鼎湖祠廟  
千秋歲時奠瘞祥慶是徵民無札瘥嘉明粲芬芳式  
備登茲樓以清眺兮抗九華之千尺烟分霧縹舒雲  
積二華藏英莫之敵九華斂秀攬之失色上有人兮  
永懷慨先人之敞廬華梁婉其承粉兮重樂屹以綴櫺  
朱華被井密藻垂疏巡瓊筵以躡步兮思帝子以愁予  
想神君之游行建雲旄以前驅登寶衢與雲術命含雷

### 浦江縣志

### 卷之五

古蹟

七

使清塗霞為車兮虹糾從軒轅兮山之靈奉轡兮  
車朝吳雲兮暮為楚雨若方平兮曼倩挾麻姑與王母  
靈風颯其揚塵兮獵回軒而四顧兮有平莽之萋萋曾  
兮疑神君其並來兮獨寢於空帷夢之冥冥覆明霞之  
光塵之莫覲兮悵獨寢於空帷披赤霧之冥冥覆明霞之  
矗其峻嶒赫祥雲之燭日披赤霧之冥冥覆明霞之  
館蔭光碧之殊庭翳紫桂之神宮列玉於蘭渚瓊柯鬱  
曾波碧林被宇拂珠樹於犀階植文於蘭渚瓊柯鬱  
以離立有金棍儼其相拄神獸曜於瑶林朱雀流光而  
來下亦有五色游龍青霄玉女曜於瑶林朱雀流光而  
以耕芝田之宿莽飛鸞凌芙蓉以爲冠舉或碧藕之靈  
葩或拾翠鸞之墮羽葺芙蓉以爲冠舉或碧藕之靈  
九靈其如雲聯霜袍以成帷挾龍符之靡曼蔚鳳綬之  
葳蕤勒黃金之條脫兮緹水碧之絲曳赤玉之飛  
鳥兮藉金液之龍芝揮晶而懷疑起撫懷而興慨兮知  
忽若靈之不可期兮雖信似而懷疑起撫懷而興慨兮知  
夢幻之不可期兮雖信似而懷疑起撫懷而興慨兮知  
陽之短景兮忽委照於西壤屹元瞻瓊岫之漉漉愁翔  
以雙敞 二原石注 兮有喬梓之仰紅翠嚶其載鳴兮聽璇房  
木之無知兮有喬梓之仰紅翠嚶其載鳴兮聽璇房

之遺音游鶴兮杉鷄曜斐尾兮紛文襟兮豐狐鳴鶴於江林  
薄兮騰猿援木以清鷄吟羨楚烏之不可任臨長風以孤嘯  
陰攬萬物出於東方繁星粲其麗天兮若蘭甸之流霜情  
兮明月不寐兮恨歸之未期兮望帝子之承顏兮從  
於王以翱翺曾來歸之使予心傷歌曰燭銀玉菓壁環光  
以下招兮夜漫兮使予心傷歌曰燭銀玉菓壁環光  
些雲裊霓褥不死床些瑤壇金闕光碧堂些居室之麗  
無以方些碧芝琅菜扶桑實些玉酒釀漿五英液些風  
林鳴酷中華蜜些綺饌之腴莫之能及些雲裝烟駕龍  
迴車些飛輿八景麟胥些上下風雨翔紫虛些車服  
之盛不知其餘些綠雲飛觀中天樹些四榮翼張若騫  
翥些清防暗列浮思布些雕機朱絲有竹素  
些雖信美兮非其故些魂兮歸來返吾居些

九靈山房 在縣北九十里九靈山下元季戴良居此自

號九靈山人嘗賦詩以見志

山中度歲詩云去年當歲暮我方家市邑時復掃新

居親朋為之集天運不可常周辰今已及投跡此山中  
酒杯與誰執故歡隨歲去新愁帶春入惟獨聞爆聲依

浦江縣志

卷之五

古蹟

八

然如舊習又還舊居詩自我遠行遊故廬今始歸如  
何廿載閒舊事都已非曳杖過比鄰相呼尋故知不見  
垂白翁但見初長兒我園既稍葺我田亦就治種秫釀  
美酒拾薪煮豆糜一笑集親朋相從說睽離以之感疇  
昔俛仰多所思便當息吾駕皓首以爲期又居田詩我  
此外更何思便當息吾駕皓首以爲期又居田詩我  
生非匏瓜於世可無食躬耕實所慕戮力歸稼穡當春  
土脉動農事滿阡陌晨興負耒去日入弗違息我苗今  
已長我耕有餘隙斗酒勞近鄰隻雞禮過客人生復繪  
但如是亦足慰平昔此意誰復知千載惟沮溺

九靈山房圖頻年宦游輒以自隨居鄞時揭泐烏斯道

胡惟仁輩皆為作記

見先生年譜

會稽唐之涓賦

云夫何浦陽之涯九

靈之下有幽人兮抱道乃斯焉而托處於是憑林考宅  
緣崖葺宇門絕塵軒途迴俗軌求至理之元微陋時俗  
之紛沮顧情累其既泯豈世網之可迂爾乃懷荃握蘭  
雲飲露餐稽經史玩蹟探元念往昔其曷今視後至  
其無前爾其嘉會之仇肥遯之侶則木客芝童鴻生雅  
士或倚桂而言嘯或誅茅而廬旅詠招隱之古辭將終

焉而弗侮兮胡旄之在浚又良馬之蓬五緇衣敝兮陽  
為白駒繫兮場圃之流蕙阻既南翔乎荆吳復東邁乎齊  
魯慨節運之代序竟荏苒而歷茲越河山以托景每愴  
事迨而念之倘未移余生之尚賢之慨既出而終隱方混  
迹於塵囂顯有機兮晦引矧有山惟道之止揆兮毋世之  
近已焉哉顯固猶川媚亦高時之仰修兮毋世之  
譏之珠中劉履兮靈山房詩峩峩九靈山采薇自古兮  
有雲霞互興沒巖林鬱盤紆蛟幾棲遯士飄飄列仙儒  
結宿籓端麋鹿游我除石室探神秘充架多異書同懷  
鶴相集微言皆道腴昔騁奇懷藻振珮鳴璜就云形  
日相滯心與天壤俱夙憂駟展禽知鷄馳驅申獨往願  
道改轍將何如黃綺憂駟展禽知鷄馳驅申獨往願  
庶用旋吾廬慈溪張庸詩九靈山枕東海涯中有方  
壺子之家三華婀娜映樓閣六窗灑通烟麻姑顏  
童飢玉雪相看互授人閒夢欲起沉疴濟時用蒼生多  
中弄明月年來忽作人閒夢欲起沉疴濟時用蒼生多

浦江縣志

卷之五

古蹟

九

慾乖分緣人海無端嗟瀕洞裏還丹將與誰北邙空  
見塚纍纍昨朝偶得麻姑信笑指烟霞行復歸山中依  
舊春長好階下青青長瑤草初平還過叱石羊安期又  
寄如瓜棗愧我人間今白頭漫將詩酒銷離愁倘得還  
一丹蛻丹骨山中  
國朝嘉慶年間先生後裔戴司訓殿

海補繪是圖徧徵題詠

錢塘梁同書詩云九靈先生居

圖隨行笈到處髣髴依巖扃先生理學繼濂洛先生著  
作光典遺老浩歌薇蕨羞周廷義不聞姓氏如驚霆巋然大  
元昭常經清風凜凜四載下與來禊傳芳馨十四世天  
地昭常經清風凜凜四載下與來禊傳芳馨十四世天  
裔作司訓鳳毛故有樵雲牧瀼西隱約述祖德恰遇好  
手摹林壑前村稍見出樵雲牧瀼西隱約述祖德恰遇好  
氣侵戶牖雲中突兀開軒櫺支頤獨坐青冥得耳邊已  
似聞風鈴江天在眼極寥廓長吟悵望青冥得耳邊已  
詩云九靈山高與天接中先賢戴逵宅著述未能將瀛  
洛追門庭只許烟霞入奈值元明鼎革秋飄蓬未克老瀛  
菟裘故山且自描行障此後滄桑妨作屢卧游名流幾輩欣  
相遇卷上山都留珠玉去宗炳何妨歎屢卧游名流幾輩欣

何處賴有雲仍後起賢重煩名手寫層巒合巂迢迢風景從  
頭記歷田廬釣歸想尋當日幽居所笑問蒼松四  
下榻夕照溪邊費摹想九靈客忽見九靈山廬井依  
百餘披圖往迹費我懷九子說月鶴聲還滿眼紛蘿  
得無松杉遠近間高樵子說月鶴聲還滿眼紛蘿  
稀處松杉遠近間高樵子說月鶴聲還滿眼紛蘿  
薛相從士裏攀戴殿江九靈山房藏書記科舉成而  
經籍廢通顯若錦帙輝煌乎奇器非立有章程以  
卮載坊致歸而牙籤又讀矣聚勿苟矣大之南守  
亦何從言也讀不必兵火也雖聚勿苟矣大之南守  
之則其散也讀不必兵火也雖聚勿苟矣大之南守  
藏書者徐氏之曠園毛氏之汲古閣黃氏之千頃堂其  
著也而徐氏傳是樓尤著若兩浙藏書家有歷三  
餘年而極初者則唯戒引黃黎洲一登樓為公沒  
後人藏守極嚴范仲友破引黃黎洲一登樓為公沒  
書目以傳而其書之入無倫者如故也蓋非孫月峯  
胡孝轅紐石溪諸家所得而比倫者如故也蓋非孫月峯  
三房之藏書則有不宜沒其綠起者乾隆申歲仲季瀛  
三東瞻游學吳山購求九靈山房遺集備列吾婺先哲

浦江縣志

卷之五

古蹟

十

遺書囑慶雲齋單曰此金華友也問諸知不足齋鮑君以  
文鮑君一見靈集板毀矣而予所驚喜即佳然不輕  
曰戴氏有九告仲季聞先人遺集在驚喜即佳然不輕  
授也書賈以告仲季聞先人遺集在驚喜即佳然不輕  
各恨相見之晚出抄本付梓君曰予性喜茗飲之君  
家九靈山春茗色香味並佳幸為予致之君寡有之  
書予亦姑蘇之估客有本無積數年書稍集  
之書船可漸致也客有本無積數年書稍集  
而鮑君曰未也聞嘉禾一姓所藏凡吾欲得之遠官  
欲售盍訪諸則買棹急往發其所藏凡吾欲得之遠官  
未見之本多在焉乃千金致其書也浙人多稱道之  
韓城王相國視學兩浙謂鮑君曰禾郡人稱道之  
靈山下予當為記其後瀛三署教職所至必於九  
書隨未閉關卒業東瞻旋亦北上繼程則已讀中祕  
書且與藏書樓久費目藏定永弗出良友不肖  
凡曝書有期修書費目藏定永弗出良友不肖  
者聽就抄不聽攜去庶可免於借書之癡書之友不肖  
乎抑予聞分年日則謂經史百如皆當循序以進儒程  
畏齋讀分年日則謂經史百如皆當循序以進儒程

戴氏之書僅藏之而已乎抑不僅藏之而已乎乃集子  
姓而告之曰分年讀書之法凡屬中資皆可勉也如護  
目睛之喻乃藏書家四字訣也傳是樓之所以甲於浙水東西者  
江以南者以能讀也天乙閣之所以甲於浙水東西者  
以能守也汝曹其  
謹識之是為記

天機流動軒 在縣城南隅亦戴良所居金華胡翰仲申

記畧云余公闕至浦江問士於趙侯謙齋侯以叔能進

公深獎許之為榜其所居之軒曰天機流動叔能命予

記之

戴良書天機流動軒卷後良盛年時識國余忠  
宣公於浦江官舍公方持使者節行縣欲執弟子

禮莫可也後遊郡城遂因論詩獲質所疑於公公為書  
此四篆以遺蓋良所居軒匾也攜歸山中鄉友宋君景  
濂首為贊一通且貽書東陽陳君君采記之而金華胡  
君仲申烏傷王君子充麟溪鄭君仲舒皆先後為文以  
寄即嘗命工刻置軒壁矣亡何天下大亂在在兵起乃  
一切委棄避地海隅及以垂暮之年歸視故居軒雖苟

浦江縣志

卷之五

古蹟

十一

免而壁間舊刻無復存者急探行囊僅得公所書親蹟  
及四君記文搨本而已景濂之贊亦竟不可追蹤卷中  
跋語則後所追為者也於是公以淮南行省右丞相死  
節安慶君采以處士死於鄉入國朝景濂以翰林學士  
責死西子充以翰林待制斥死北地仲舒亦以前朝學  
教授寄死野人家同時流凋殆盡獨仲舒以前朝朝  
故官家食無恙然亦類然矣由前至今俯仰未三十  
載而變幻不常如此所恃以持久者惟字畫與文章又  
未知去此三十載其字與文與所蓄之人還能相守如  
今日否學佛之人指幻境為空華豈不信然歟良既以  
四篆四記聯之為卷而復詳著其始末於暇日一取  
閱之安得不為之三歎乎  
邑人陳毓秀詩  
投身吳越  
羅昭諫卜卦橋亭謝疊山誰識  
余公門下士黃冠原不望生還  
今廢

石广 在縣南三十里烏蜀山元待制柳貫讀書處

怡顏樓 在縣北九十里金沙元末邑人倪彥良彥寵兄

弟隱居不仕築此為息游之所其地又有延壽菴為倪

天寶天寶兄弟別業今樓廢而菴尚存

邑人延壽過山

井序前明洪武永樂間金沙倪與為大名陝西按察使簽事  
倪孟初為敘州府知府倪天與為陝西按察使倪子恬  
為羅田縣知縣又有多以人才薦擢見邑志倪相則明初省  
元邑志失載又倪彥龍兄弟元末隱居不仕築  
怡顏樓為息游之所先祖九靈山人為作記并詩同寶  
文士題詠甚多宋文憲亦以詩寄池菴則倪天寶時  
兄弟別業也一時文物之絕不能舉其姓氏惟此菴壁  
乃一畫像猶存里老尚能言之樓倪氏幽居地春遊絕可  
憐松篁開覺路冠蓋憶當年樓惜怡顏地菴惟延壽傳  
同龕好兄弟  
像貌尚依然

青蘿山房 在縣東三十里青蘿山下元至正六年宋太

史濂自金華徙居於此太史有蘿山遷居志

云余世居金華孝善

里之潛谿其地在縣東七十里禪定院側溪之東即江  
義烏境元重紀至元元年乙亥正月十五日授經浦江

浦江縣志

卷之五

古蹟

十二

義門鄭氏久之以其家九葉同居乃願卜鄰焉相地於  
仁義里孝門橋之上其地直縣東三十里有山曰青蘿  
至正六年丙戌十月二十七日於山趾建寢室三楹間  
繚以周垣前敞小門十年庚寅二月十五日攜家自金  
華來遷揭其匾曰潛谿示不忘本也十四年甲午十二  
月八日再構前軒如寢室之數東西榮之屬以次告完  
匾軒曰青蘿山房因舊山志新築也十八年戊戌六月  
月十日日兵取浦江遂避入諸暨兵雖定浦江當戎  
馬之衝不可居十九年己亥三月十五日還潛溪故廬  
越九載始重葺治於是復來遷時國朝吳元年丁未  
四月一棄也惟古之最重遷墳在斯親戚在斯不  
敢輕於棄去或去之必出於勢之不得已今予豈有他  
哉特欲薰夕至非若別郡千百里之遠宗屬之胥會先  
溪朝發而夕至非若別郡千百里之遠宗屬之胥會先  
瑩之展省固未嘗廢其券與遷者初何異哉余既來遷  
偶閱宋嘉定末官給地券所居左右曰宋公園與予  
姓同亦似不偶然者豈侵蝕比鄰日衣被乎詩書耕則  
者毋析爨毋為不義毋侵蝕比鄰日衣被乎詩書耕則  
為良農學則為良儒庶幾不負予之志也  
基青蘿山房歌 若有人兮乃在大江之南澗河之東連

山特拔瀛海上與河鼓天怪通憶昔四女下天來遺  
鬢墮髮根龐鴻仙華傑出最異望之如雲浮太空欽  
峯崱施嚙齧生悲風嗟哉若人兮胡隴乎其中梁檀鶴  
叫山鬼呵歛生風嗟哉若人兮胡隴乎其中梁檀鶴  
兮柱靄滴晴雨烟霧葉相蒙龍縵不伐兮不縵兮  
嵐莫靄滴晴雨烟霧葉相蒙龍縵不伐兮不縵兮  
蓬蓬繚糾飛毳毳若蒼龍垂胡應元穹琴麗披離兮  
翠鸞振迅飛毳毳若蒼龍垂胡應元穹琴麗披離兮  
幽泉發竇鏘玲瓏六月赤日收蘊隆陽羊朝陰春融  
巖花澗草紛紅有燦爛兮樂不虹吹笙兮塵土何夢  
羽蓋冰玉珮華月閃爍兮樂不虹吹笙兮塵土何夢  
旆兮聲風珮華月閃爍兮樂不虹吹笙兮塵土何夢  
山有芝石有豐石鑿兮遙兮淙淙猗若人兮美且充  
食倦息兮可以保我躬道兮棲遲又何人兮美且充  
峒蓋仙華為黃帝少女升天處其山峭立千仞而支別  
東蓋仙華為黃帝少女升天處其山峭立千仞而支別  
為青蘿山絕嶺之雲烟長溪之魚鳥皆接於耳目之間  
青蘿山絕嶺之雲烟長溪之魚鳥皆接於耳目之間  
矣公雖去此而猶眷眷不忘閒屬予賦予聞之適意山  
者恆抗公侯之富而爭名市朝者恆譏處士之適意山

浦江縣志

卷之五

古蹟

十三

得之此而今之仕也非公則不然昔之藏也非必於山林  
安其時也今之仕也非公則不然昔之藏也非必於山林  
不為損至於視耶公擅一代之為文章所著多行於世而  
孰得而窺其際耶公擅一代之為文章所著多行於世而  
貯於山房者必有光燭天與山之寶玉同行於世而  
為之歌曰仙華之山何嶄絕兮插天之萬仞青相磨山勢  
東來忽平地蜿蜒不絕為青蘿隱隱如崩石夸娥  
負山忽平地蜿蜒不絕為青蘿隱隱如崩石夸娥  
得道登雲車凌欲叫軒轅向何處千古萬古遺蹟玉女  
花風淒淒兮又下雨行人慘兮子規語山回路盡或逢  
花知是青蘿山人結茅宇山人紫府神仙客身今六十  
頭尚黑胸蟠五色天女絲手煉五色神媧石絲可為君  
成天章石可為君補天隙一看看明月來東方與君酌  
寒無光何年借我白石床卧看明月來東方與君酌  
歌我曲君歸早訪初平羊中朝邑人王宇清游青蘿  
山房詩層巒欹北郭疑向畫看朝邑人王宇清游青蘿  
洞寒青蘿餘夕照白石咽飛今廢  
湍遺址今猶昔風流嗣更難今廢

小龍門 宋太史濂著書處按宋答郡守聘五經師書有

云所居之北有一峯峻甚俗以其如馮翊夏陽之山因

號小龍門

登高里 在縣東二十里王梅嶺北明宋太史時於此登

高故名

鐵甲蟠未霜楓柏半流丹厓雲削翠當頭落村

樹圍青潑面寒覽勝但尋名蹟易高風欲繼古人難涓

涓一掬靈泉水幾度先生拄杖看羊公峴首謝公墩

無限名山屬一人堪笑羣峯都秀拔不逢佳士也沈淪

秋聲瑟瑟 滿衣巾

建文井 在縣東二十五里白麟溪之西明建文帝出亡

謀所止咸謂浦陽鄭洽家時官翰林院待詔忠孝可恃遂匿焉

浦江縣志

卷之五

古蹟

十四

史仲彬致身錄

白石山房 在縣南十里平安張氏祖遺讀書之所明初

有字拱辰者受業於副憲張孟兼先生見白石聳峻以

寓比德於玉之意因自嘲曰石瑩無瑕韞玉山輝士貞

淑德有光庭闈遂匾其居為白石山房明李默記百石山房浦陽平安

張氏任福建布政使祖遺讀書之所也厥氏出自姬姓

傳至五季時懷仁公卜居浦陽至高祖學正公十一世

矣公之尊府君隱德弗耀從兄孟兼仕至山東按察使

副使從叔子玉任湖廣左參政公未仕時養高泉石栖

跡烟霞貞節雅度偉才碩德為鄉里所推譽嘗指白石

以自詫曰石瑩無瑕韞玉山輝士貞淑德有光庭闈居

無何徵書倏至太祖高布帝擢授廣西布政使歷官積

勞簡在帝心令掌閫闔布宣德化紀綱丕振治政興舉

仁恩洽於萬姓威望肅乎百僚信乎地靈人傑光耀閩

閱而無忝前修也公暇每馳慕故居清致有不能一日

忘公歸休故園優游眉壽成帙名山之士咸歌詠以資玩異  
日滿前流觴舞彩則白石山房人稱曰有神堅白石其璞  
曾拜手序其梗概而贊以繼之其辭曰有瑰奇確資  
砌磊砢堂基層宿雲高倚翠微有喬木棟梁是資  
樂只君子貞德非虧握瑜待聘出佐明時翱翔雲路聲  
譽蜚馳顯榮有年組紱簪圭豐功茂烈百辟是師為屏  
為翰天子是毗光前耀後福履是綏鸞載頌歸老庭  
闡官業謨猷永播聲詩明發源詹同白石山房歌浦  
陽有名山白石如積雪玉氣亘中天龍湫無六月於茲  
隱君子結茅依巖穴簷椽披翠微優旆讀書日看泉風  
滿衣庭草苔痕碧誰謂野鶴姿從心自飲啄之補樊籠  
閒清夢繞巖壑豈不念白石好煉五色紋獻之補天手  
歸作山中勲明釋來復詩雙溪水際草堂深山卜住青  
山十畝陰但自清心忘嗜欲誰言鐘鼎契山林山人別  
業當江口白石巉巖對戶牖上通百尺蒼龍湫一洗心  
空作雷吼山人結屋知幾年山瓢還飲龍湫泉一洗心  
胸炯冰雪珠璣吐雲烟山樵語八窗夜涼愛虛碧  
碧山無路著高車幽深只許野樵語八窗夜涼愛虛碧

浦江縣志

卷之五

古蹟

十五

更倚梅花讀周易山光照室氣如虹雲母屏間山月白  
山人此時毛骨清坦腹晏坐忘形神眼觀八柱洞眉接  
浮生何事紛營營叱羊不羨初平坡爛石不學甯戚歌  
却餐千年石中髓絕粒更欲接雲蘿更須石剖奇璞  
莫混珉岡屬邛壑斲為圭獻吾君願奉廟堂崇禮樂  
樂成禮備歌雍熙拂衣更向山中歸掃花釣月坐白石  
無勞太史占少微盧鎬題白石山房歌汲黯甚矣戇  
次公醒亦狂鷹隼乘秋有本性雍容安得如鸞鳳哀哉  
先生嫉惡懷剛腸一擊異端反中傷韋弦雖違良友箴  
弧矢早耀鶉火光我讀先生傳幸登先生堂稜稜石骨  
秀出南斗傍屹如底柱獨當河中央纖草不紛活妖狐  
無處藏慟哭記冬青行槎當泚筆慨且慷紛紛花不  
掛眼相對惟百尺孤峭凌風霜作爲文章亦秀削森  
森矛戟生寒芒青田與潛溪同朝相頡頏惜哉不勝  
餘論徒商量人生要荒開國元勳尚如此未勝剛強  
君不見遭毒手投生要荒開國元勳尚如此未勝剛強  
崑岡土生不爛後三季直道久矣難激揚所以古石人  
南山之石縱可爛鈞竿不肯辭滄浪明高起題白石人  
山房圖詩石氣春生萬石君滿釋宗泐草題白羊羣山  
日歸來日身老應同萬石君滿釋宗泐草題白羊羣山房圖

詩浦陽先生張太常白石山下開山房讀書養親不  
堂青山愈高溪愈長一從攀龍上金闕山中十年青  
歇夜飛清夢到山房堂上雙親已白髮孫鄉頗擅丹青  
妙為寫新圖慰懷抱秋雲半掩蘿陰間金華赤松尺  
老我見新圖憶舊山石梁懸瀑蘿陰間金華赤松尺  
間何日拂衣從此還國朝乾隆二十九年知縣何子  
祥命張氏後裔  
增葺擴為書院

迎薰樓 在縣東二十里長塘之左黃氏因洪武八年己

未蠲租而建庚申秋黃逢源與戴九靈蘇眉山諸賢會

飲賦詩於此九靈山人為作序

序云庚申之秋予訪蘇太史先生黃氏義門將

自是入越黃氏之老資深公堅留不聽去既而劉君養  
浩趙生彥方亦相繼至而吳侯子則固客授其家資  
深悉宴之宅左之南薰樓歡洽殊甚浩以此會雖出  
邂逅然蘇先生來自府城彥方至自邑已與子宇館寓  
雖近而亦一居嚴陵一家烏傷萬山中鄙謂予又方  
回自千里一旦畢集於此豈偶也哉睹江山之如昨念

浦江縣志

卷之五

古蹟

十六

人事之難常誠不宜以無紀資深之子仲昭英俊弟子  
也聞之喜躍即請以今夕復何夕共此燈燭光分韻而  
予得此字遙今歸嘆年駛泰階謂久平吾道有如此主  
昔出念途遙今歸嘆年駛泰階謂久平吾道有如此主  
人識予意開筵集文史庶令歡宴餘悶懷為之洗談諧  
皆素心唱和盡知己此會諒難數不樂將何俟蘇伯  
衡得共字詩悠悠阻良覲羽勞共愁消若冰釋喜劇  
養憂心動誰知握手歡天方今夕共愁消若冰釋喜劇  
如射中念彼合并難感此情重淨雲弄晴陰南山為  
未縱吳棟得今字詩天高玉宇淨雲弄晴陰南山為  
狀自古秋色淡於今登樓瞰碧良朋成盃酌飲樂談  
氛鬱默契三生心珍重主人意持酒許顛斟酣飲樂談  
率交誼期斷金遇三歎為燭字詩商飈下喬林度我朱  
絃曲知音適已遇三歎為燭字詩商飈下喬林度我朱  
續高閣開素秋初筵乘華燭河清願濯新月出起遙矚  
嘉會良亦難且進杯中醪趙友直得夕字詩灑氣凌  
秋清晚山映天碧佳賓歛夜光聚金與壁主謂會合  
難登樓款今夕涼颺度綺疏夜光聚金與壁主謂會合  
杯盤肯藉瑚門方前陳眉蒼村居倚山塢何由得瓊  
字詩有客過我門癯然鬚眉蒼村居倚山塢何由得瓊

漿穀採北山  
蕨酒借東鄰  
鶻涼颺遞幽  
響明月揚清  
光  
客情何真率  
為我樂徜徉  
謔浪恣歡謔  
形骸兩相忘  
樓久圯後卽  
其地建八角  
亭

益齋 在興賢鄉明戴原直所居天台方孝孺為之記

云記

余始至浦陽與邑士戴君原直遇原直長身昂然顧盼  
峭聳酒酣談論雜以嘲笑辭累千百無滯帶窘迫態鋒  
穎橫出氣蓋一座余驚駭又見原直其辭謔給敏如故不  
能與之往復詰難也二年又見原直其所為者余又驚之  
而為禮恭遜斂戢顧意若自少昔之所為原直於錢塘之  
疑其有禮遜斂戢顧意若自少昔之所為原直於錢塘之  
諸公名士皆在席各吐所長為樂原直攝衣坐其下俯  
首斂膝不發一談日暮賓退恂恂揖謝侃然趨去儼然  
愿慤君子及與之言皆中道理去前時甚遠而諸公亦  
稱其美不置余大驚而問焉原直曰吾少時嘗以醫出  
遊涉吳楚沂淮泗至齊魯往來公卿間虛左以俟束帛  
而迎者不可勝數吾時志高氣盛謂口舌間足以成事  
方以此自才嘗聞於季父能軒先生以為易之遷善改  
過莫善於益乃以益名吾齋吾將歸而求於聖賢之學  
浦江縣志 卷之五 古蹟 十七

瑞蓮亭 在學宮外大方池內

明邑令須之彥記天地蒼

不能受者融結為山水水各據以勝而不能相有遠  
近離合之間人默揣其情之所會境之所遇構一奇以  
收之令不自有其勝而為我有若浮圖殿宇臺榭之屬  
皆收之令不自有其勝而為我有若浮圖殿宇臺榭之屬  
遠溪流盈縮視雨究盈不勝縮以故山水之勝人不及  
而有云邑東南隅為學宮首枕一池畝可五嘉靖辛  
丑歲縣令龍公所鑿至萬曆乙酉歲庠生張元效募鄉  
先生造石基疑然中峙蓋取堪輿家所稱印浮水面煥  
乎其有文章也今辛丑歲九日余偕學博徐君可餐遠  
樓笑指此基謂曰彼疑然者亦何文章之博有山可餐水

可濯是亭不可分膏餘君又時出其修脯以為助不贖諸士競為級者二為楹者四為角者八圍繞以幾而亭成皆向戶盡牖丹之華圖繪之巧焉奪目席以板面狹悉如板外復夾以欄不足於地也規制修短外復以板外復夾以欄不足於地也於天也基外復以板外復夾以欄不足於地也大溪前繞龍峯左峙華寶掌諸峯若起若拱騰蛟遠向則遠輔是亭之勝者睥睨若俯祠宇若拱騰蛟遠左右翼與亭角而為三則近輔是亭之勝者余扁其上曰集翠志山也扁其下曰文漪志水也勝曰瑞蓮以亭成適與並蒂蓮會故名也山不得水不勝水不勝曰勝山水不得並蒂蓮會故名也山不得水不勝水不勝曰勝山水不得映疎影離亭之風較清也芬芳襲人紅白相間微雨初過水殿生涼亭之日較暄也玉宇無塵澄然一碧垂楊掩映疎影離亭之風較清也芬芳襲人紅白相間微雨初過潛蹤寒江釣艇亭之雪較妍也彤雲密布水天一色飛鳥之陰晴轉眼即非凝眸即是無隱見之景又是亭所為無時無處而不成佳境者余與徐君暨諸士間一登臨遠者若近離者合覺情與山水爭勝合而貯之昔所謂疑然者僅一部婁今故與山水爭勝合而貯之昔

浦江縣志

卷之五

古蹟

十八

亭所謂文者顧不大耶諸士行將習習霞舉矣瑞蓮固為之兆哉余竊念人事變遷蹤跡靡定登臨揮灑昔人以美談又若為絕勝難繼之事則俯仰今昔不無蘭亭之感也徐君其有慨於中耶是役也經理規畫徐君任之拮据奔走諸士任之工始於辛丑季冬落成於壬寅仲春所糜金錢若干前後與事者例得備書萬曆癸卯仲冬記今廢

候星堂

在縣東

陽春亭

一縣東里

**舊志**明神宗萬曆六年知縣文

元發建懷宗崇禎八年知縣吳應台重修今廢

惠雲題壁

明萬曆天啟間通化倪尚忠與文學陳九經

僧眞滿交最密嘗往來惠雲寺中多所題詠惜皆散佚

今大殿西壁猶存墨蹟數行雖已殘缺錄其可識者於

後云

不識惠雲寺松風吹梵音到來夜深三籟寂明月照襟淨理隨

寺松風吹

梵音到來

夜深三籟寂明月照

禪心 初地何年關佳城此日開亦知定應  
非猜 母祠前石瓊姬月下臺無生端可學且覆掌中  
杯 天啟乙丑因奉送 士倪尚忠題 恭人  
曆此詩以紀之

### 高遠亭 在縣北二里月泉側興廢無考

尚友臺 見康熙郡志圖 在縣東一里龍峯山北明慈溪人楊守勤

與邑人張應沛友善館寓此臺日與泛觴吟詠諸山川  
閒凡數歲所至幽谷古剎品題殆徧今廢

### 瑞雨亭 明懷宗崇禎九年知縣吳應台即高遠亭舊址

建 明邑令吳應台記今上御極之九年歲在丙子夏五月不雨至於六月先是樹藝甫畢田父決其餘水糞之南方之人所謂火耨者也旬日一雨則苗怒而加長否則膚裂而土堅本室而不能發故匝月之間遂

以旱聞捕魚蝦蟹之屬貯瓶水方几輿之執械導龍湫巖穴

## 浦江縣志

### 卷之五

古蹟

### 十九

號日迎龍金鼓之聲不絕蓋涓滴既盡力無所用舉桔  
棹輓轆之工而畢萃之於此如狂如鬪見者不能不為  
之寒心也子懼甚斷五步一拜號呼跳彌月復不得雨  
復踰旬迫甚迎龍者躡躡且喜急遣覘之良然南溪者城  
六月十一日甲申予躡躡且喜急遣覘之良然南溪者城  
南溪水一夕暴漲予驚且喜急遣覘之良然南溪者城  
南大溪所謂浦陽也自西徂東垂八百里與浦邑之境  
相終始沿溪則壤賦居邑額十之七八故邑以是名此  
外則崇山峻嶺可耕者無幾矣自是截溪以灌遞轉而  
上迎龍者稍息而桔棹之聲出矣浦舊零地在南郊初  
循例往禱不得雨予謂南郊有祝融司望仙華陽壯而  
陰伏當移禱北郊月泉之旁有阜北望仙華陽壯而  
氣呼吸相接禱之必得雨邑大夫倪常博心開張孝  
廉汝金張齏副尚樓孝廉邦魯皆然予言遂步履為  
余先踰數日聞西際是雷聲極目望之六近雲黑如笠  
三日皆然不謂即雨也歲是稻穫十之六近雲黑如笠  
穫而粟蓄之收更倍他歲是浦之也瑞也邑為不害浦人  
士歌詠鼓舞舞咸歸功是雨日獨不見之志瑞者乎五  
穗之麥不供一粥史官書之朝野頌之茲雨於西山之

顛而稔乎東原之陽且西而蘭東而暨或以源隔或以  
流止皆不得分其餘潤以爲沾溉一似造物之獨私吾  
予曰若然視彼數莖之偶然者大逕庭也烏可以無志今  
廢

攬轡亭 在縣南一百五十步今廢

荷塘書院 在縣東二十里後葉村爲明孝廉葉化醅葉  
有聲兄弟讀書處東陽許宏綱從學於此今廢

